



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Theologia Moralis, Seu Resolutio Casuum Conscientiæ**

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;  
necnon varia summorum Pontificum Decreta, contra Moralis corruptæ  
propositiones, & alia

**Genet, François**

**Parisiis, 1703**

Caput III. De necessitate & effectibus Sacramenti Extremæ-Unctionis.

**urn:nbn:de:hbz:466:1-40817**

essent illud petierunt, seu verisimiliter petiissent, seu dederunt signa contritionis, etiamsi deinde loquelam amiserint, vel amentes effecti sint, vel delirent, aut non sentiant, nihilominus præbeatur. Sed si infirmus, dum phrenesi aut amentiam laborat verisimiliter posset quidquam facere contra reverentiam Sacramenti, non inungatur, nisi periculum tollatur omnino.

C A P U T III.

De necessitate & effectibus Sacramenti  
Extrema-Vnctionis.

Quaest. I. **P**ERCEPTIO hujus Sacramenti est-ne de necessitate præcepti?

Resp. Perceptio hujus Sacramenti videtur esse præcepta periculosè laborantibus, ut probatur ex his Divi Jacobi verbis. *Infirmatur Jacobus cap. 5. quis in vobis? inducat Presbyteros Ecclesiae.*

Et ut ait Concilium Tridentinum: *Nec verò Concil. Trident. sess. 14. Sacramenti contemptus absque ingenti dent. sess. 14. scelere, & ipsius Spiritus-sancti injuria, esse cap. 30. potest.*

Necessitas hujus Sacramenti probatur ex fine propter quem institutum est.

Nam, ut ait idem Concilium Tridentinum, *Clementissimus Redemptor noster Extrema- Concil. Trident. sess. 14. Vnctionis Sacramento finem vitae tanquam De Sacram. firmissimo quodam presidio munivit; nam etsi Extrem Vnct. adversarius noster occasiones per omnem vitam in principio, quarat, & captet, ut devorare animas nostras quoque modo possit, nullum tamen tempus est, quo vehementius ille omnes sua versuta nervos intendat ad perdendos nos peni-*

230 TRACTATUS VII.

tus, & à fiducia etiam, si possit, divina misericordia deturbandos, quam cum impendere nobis exitum vita perspicit: Quæ quidem verba hujus Sacramenti necessitatem satis declarant.

Quest. 2. Quinam sunt effectus Sacramenti Extremæ-Uctionis?

Resp. Explicantur, ut ait Concilium Tridentinum, per hæc beati Jacobi verba. *Oratio fidei salvabit infirmum, & alleviabit eum Dominus, & si in peccatis sit, dimittentur ei.* Hinc constat, duos esse principales hujus Sacramenti effectus, alterum ad corpus, alterum ad animam pertinentes.

Quest. 3. Quinam sunt effectus pertinentes ad corpus?

Sess. 14. cap.  
2.  
S. Tho. in 4.  
sent. dist. 23.  
q. 1. art. 2.  
in resp. ad  
2. quest.

Resp. Sanitatem corporis interdum, ubi salutem animæ expeditur consequitur agrotus, ut ait Concilium Tridentinum. Et Divus Thomas ait: *Sicut ablutio Baptismi habet effectum corporalis abluitionis, quia etiam corporalem mundationem facit: Ita etiam Extrema-Uctio habet effectum corporalis medicationis, scilicet corporalem sanationem. . . . Sed hæc est differentia, quia corporalis ablutio ex ipsa naturali proprietate elementi facit corporalem mundationem, & ideo semper eam facit. Sed Extrema-Uctio non facit corporalem sanationem ex proprietate naturali materia, sed ex virtute divina qua operatur rationaliter. Et quia ratio operans nunquam inducit secundarium effectum, nisi secundum quod expedit ad principalem: ideo ex hoc Sacramento non sequitur corporalis sanatio semper, sed quando expedit ad spiritualem sanationem: & tunc semper eam inducit, dummodo non sit impedimentum ex parte recipientis.*

De Sacram. Extr. Vnct. Cap. III. 237

Quæst. 4. Quinam sunt effectus hujus Sacramenti respectu animæ.

Resp. Quatuor sunt. Primum locum videtur obtinere gratia sanctificans, quod ei cum reliquis Sacramentis commune est; quod definitum fuit à Concilio Tridentino, his verbis: *Si quis dixerit Sacram infirmorum Vnctionem non conferre gratiam, nec remittere peccata, nec alleviare infirmos: Anathema sit.*

Concil. Tri-  
dent. sess. 14.  
Can. 2.

Secundus ejus effectus est, arma viresque dare, quibus fortiter resistere possimus insultibus quos dæmon communis generis nostri inimicus inferre solet in extremis laborantibus; quanquam enim per totum vitæ tempus omnia quæ possit ad nos perdendos adhibere soleat media, tum potissimum artes omnes suas & astutias hic serpens exercet, ut nos in peccata præcipites agat, in hoc ultimo vitæ discrimine: conatur enim nos in desperationem impellere, & fiduciam illam nobis eripere, quam in paterna Dei misericordia collocare debemus; Quocirca idem Concilium Tridentinum ait: *Ægroti animam alleviat, & confirmat, magnam in eo divina misericordia fiduciam excitando, qua infirmus sublevatus, & morbi incommoda ac labores levius fert, & tentationibus demonis calcaneo insidiantis facilius resistit.*

Sess. 14. can. 2.

Tertius effectus Sacramenti Extremæ-Unc-tionis est, delere peccata venialia, & etiam mortalia, quando ægrotus veram eorum concipit contritionem, & facultatem non habuit ea confitendi: Idcirco beatus Jacobus Aposto-lus ait, *Et si in peccatis sit, scilicet infirmus, remittentur ei:* Et, ut ait Concilium Triden-tinum ibidem: *Delicta si qua sint adhuc expianda, ac peccati reliquias abstergit.* Quod quidem, secundum Divum Thomam, intel-

## 232 TRACTATUS VII.

ligi debet tam de mortali quàm de veniali peccato, sic enim ait: *Si invenit peccatum aliquod vel mortale vel veniale, quoad culpam, tollit ipsum, dummodo non ponatur obex ex parte recipientis.*

S. Tho. in  
suppl. 3. p. 9.  
30. art. 1. in  
corp.

Quartus denique & ultimus hujus Sacramenti effectus, qui ei maximè proprius est, est animam à reliquiis peccatis liberare; datur enim, ut ait Divus Thomas loco mox citato, *Contra illos defectus, quibus homo spiritualiter infirmatur, ut non habeat perfectum vigorem ad actus vite, gratia, vel gloria; & hic defectus nihil aliud est, quàm quaedam debilitas & ineptitudo, qua in nobis relinquitur, ex peccato actuali vel originali: & contra hanc debilitatem homo roboratur per hoc Sacramentum.*

Omnes autem hi effectus tam insignes producti à Sacramento Extremæ-Uncionis, excitare debent Pastores, ne quidquam præmittant vel negligant, ut tale auxilium præbeant infirmis, quando eis magis prodesse potest ob bonas dispositiones ægroti, neve expectent extremum vitæ discrimen, in quo vi morbi solent ita premi, ut non possint bene se præparare ad recipiendas gratias, quæ in extremo illo conflictu adeo sunt necessaria. His quoque uti possunt rationibus Parochi, ut sibi commissos populos adhortentur ad hoc divinum remedium obtinendum, quod adeo illis utile futurum est, ut implacabilem suum hostem superent, & æternæ vitæ aditum sibi parent, quæ eorum victoriæ futura est merces magna nimis.

*Quæst. 5. Quid est Oratio fidei de qua sanctus Jacobus loquitur?*

*Resp.* Per orationem fidei potest, Primò intelligi Oratio communis, quâ Sacerdos Sa-

eramentum administrans, & adstantes, invocant Deum, ut infirmo periclitanti salutem animæ, & corporis, si ad ejus salutem sit profutura, impertiatur.

Secundò, Oratio fidei propriè loquendo, est forma Sacramenti Extremæ Unctionis, quæ quidem forma, cum sit deprecatoria, seu per modum Orationis, necessariò adjunctam habet fidem, cui veluti radici, Oratio, tanquam ejus primus fructus, adscribitur.

Tertiò, dicitur Oratio fidei, quia fides complectitur & significat omnes virtutes quæ ex ipsa prosiliunt.

Quartò, dicitur Oratio fidei, quia pro solis fidelibus est instituta, & proficiscitur ex fide Ecclesiæ, cujus Sacerdos hujus Sacramenti minister personam sustinet.

Denique quia Oratio, quæ sacræ Unctionis formam constituit, totque præstantes effectus, si modo fides commendet, & hos qui precantur & illum pro quo deprecantur, in suscipientium animis ingenerat, sola fide intelligitur, utpotè quæ magnum Mysterium fidei contineat.

---

C A P U T I V.

*Quenam Dispositiones ad legitimam hujus Sacramenti perceptionem exiguntur.*

*Quest. I.* **Q**UÆNAM dispositiones exiguntur ad hoc Sacramentum ritè suscipiendum?

*Resp.* Præsuppositis dispositionibus remotis, ut qui unguendus est oleo sacro, sit Baptismi Sacramento initiatus; ut periculosè decum-